

صاحب و مدیر مسئولی
قبرسلی درویش وحدتی

سر محرری جلال حسینی

امور تحریریه ایچون مدیر مسؤله
اداریه متعلق مسائل ایچون مدیره
مراجعت اولنور

آدره سی :

وزیر خاندن ۱۴ تومرو

فولکان

Journal „VOLKAN“

مدر و محرری : ولی الدین
ابونه فیثاتی
ملك عثمانیه ایله بلغارستان بوسنه
هرسك مصر ، قبریس
وکرید ایچون
سنه ۱۲۰ آلتی ایلی ۷۰ غروشدن
۱- انبول ایچون سنه لکی ۰۸ غروشدن
اعلان طرفنك رضاسیله
قرارلشدن یلیر

نسخه سی ۱۰ پاره

انسانیت خدام دینی سیاسی بومی غزیده در

نسخه سی ۱۰ پاره

سلامت وطن

وطنك سلامتی ملتك سلامتته . ملتك سلامتی
افكارك سلامتته . افكارك سلامتی وجدانك
سلامتته متوقفدر .

وجدان . عقلك محكمه قلبیده رؤیت
ایده جکی بر محاکمه در اونك قانونی قانون حق
اعلامی ده ایشته وجداندر .

قانون حق عینی عدلدر . بر صورتی که
عقل بوقانونه توفیقاً کنسیدی علیهنده و بره جکی
حکمه دخی اصلا تردد ایتمز . بوسورتله صادر
اولان اعلام وجدان افکارك صفوتی . ملتك
عزتی ، وطنك شوکتی تأمین ایدر .

انسان ایکی ضعیف قولیه قوی الشکیمه
بر فکره مالک بر مخلوقدر . طاغری ، طاشلری
آلت اوست ایدر کن قهر عدالتیه کردنداده
اطاعت اولمشدر . چونکه حد ذاتی عدلدر .
چونکه پادشاهی پادشاه ایدن عدلدر . چونکه
ظلومینی پناهنه آلان ظل الهی عدلدر . چونکه
تاحق کنسیدی عدلدر .

تاریخلری عجزده کی آثار اسلافه باقالم؟ جناب
فاروق اعظم قدس شریفی انای قمتنده برانده
سیف جلادن ، برانده میزان عدالت ایدی .
استانبولك فاتح سیف ساطی اون اوج
سفرده کیمسه لرك موفق اوله مادیفی قمتی عدالتیه
تأمین ایتدی .

عدالت بر سیف صارمدر . عموم انسانلرك
باشلری اوزرنده رعد و برق اجرا ایدر .
عدالت یکانه بر پناهدر . کافه بنی بشری .
نقطه و اتحاد التجا کاهنه جم ایدر . مدنیتلر تشکیل
ایدر ، لوازم مدنییه ای استحضار ایدر ،
انسانك حیاتی ، نسلی ، ملتق محافظه ایدر .
عدالت ذره قدر شایسته قبول ایتمز . نفسنك
یان چیزدیکی برده او استقامتی امر ایدر .
عصیانیه میان اولان نفسی ربیه ایدن عدالتدر .
عدالت بر کوزونده کتاب سنت . بر کوزونده
حقوق عباد بر میزانه بکزر . آلان صانانی
کوره یور .

حقوق عباد حقنده بوکون وضع اولنه .
حق قوانین و نظامانه ادله شرعیه موضوع اولمق
ایچون کافیدر ، و ایدر . حتی حده تدقیقندن
بك دقتله کچیریلر جك اولور سه مجله احکام عدلیه نك
قواعد فقهیه سی ام القوانیندر .

عدالتی اولمه یان وطن بنچوانسز باغه بکزر
کون کون اوستونه حربدن حرب یارلانیر
کیدر . انسانی ضبط ایدر جك هیچ بر قوت تصور
اولنه ماز . الاعدالت ، الاعدالت .

حق موعظه عدالتی امر ایدر یور .

فاروقی

عمر

سربستی رفیقزدن :

مجلس مبعوثانده (عین)

دونکی (صباح) غزیه سی سلطانك مجلس
مبعوثان حضورنده عین ایتدیکندن و بوندن
طولای اعضا میابنده آثار ناخشنودی مشاهده
اولوندیغندن بحث مسئله نك ینه مبعوثلرك
ذات شاهانه صادق قاله جقلمنه دأر ایتدکری
عین ایله حل و فصل ایدلدیکنی یازیور .

مبعوثلرك باب عالی واسطه سیله وقوع
بولان استرحاملربنك اصفا ایدلامسی بزی فوق
العاده مأیوس ایتدی . زیرا نصاب شهادتی
حائز اولمیان عینلر شرعاً مستحق اوله میسه جفی
جهتله شیخ الاسلامك . اسرار ملتیه پادشاهك
عین ایتدیکنه دأر طوغرییدن طوغرییه ایدیلن
تبلیغاتی شرعاً مردود اولمخله بونقطه یی دوشونن
ودوش-ونه جك اولان وکلای ملت شایان
تبریکدرلر نر

وطنه خدمت

نیتاً خالص اولان خدمت وطنیه قیمتاده
خالصدر . خطاسی اولسه ده معفودر . نیتاً
مفتوش اولان برایش قیمتاده مفتوشدر .

خطاسی اوله سده غیر مقبولدر . خلوص
نیته ملابس اولان بر خدمت حسن موفقیته
مترافقدر اولمه یان اکثریتله عقیم قالیر .

